

## Kloika

Už suodna gala auga šermokšnelė –  
No aukšta, daili, tėisi kap stigelė.  
Bovau aš senė anou nuveiziejės –  
Trėnagė šakė kuota pasėdėrbtė žadiejės.

Pasėjiemiau aš kėrvi aštri.  
Galvuoja – nusėkėrsio, parsėnešio.  
Dėinelė pasėtaikė poiki, graži.  
Tik veizo – tuoks senielis suodnė vākštio.

„Klausikės – nekėrsk. Pardouk, aš ožmuokiesio.  
Pauginsious dėdėli, mon grabou lėntū bus.“ –  
„No kloika, – pagalvojau. – Kėik tau metu?  
Augintuos... Juk rītuo eisi i kapus.“

Jau senė nebier tuo žmuogelė gīva.  
Vo šermokšnelė – miedis nebiapkabėnams!  
Tas žuodis „kloika“ dor i šėrdi mon kāp ĩla,  
Ka medie paukštė gėismė gėrdo –